



UNIVERSITÄTS-  
BIBLIOTHEK  
PADERBORN

**R. P. Lvcæ Pinelli Societatis Iesv, Theologi, Exercitia  
Spiritualia Qvdraginta, De Sacrosancto Eucharistiæ  
Sacramento**

**Pinelli, Luca**

**Coloniae, 1608**

II. Meditationes de præcipuis Dominicę Passionis mysterijs.

---


[urn:nbn:de:hbz:466:1-59691](https://nbn-resolving.org/urn:nbn:de:hbz:466:1-59691)

R. P.  
LVCAE PINELLI  
E SOCIETATE

IESV,

MEDITATIONES  
de præcipuis Dominicæ  
passionis myste-  
rys.

A



R. P. M.  
SOCIETATE

ADIT A TIONIB  
in praesentia Domini  
p[re]sidentis regis-

D  
rem t.  
ardore  
tudo n  
sceler.  
tore i  
bissim.  
lendi.  
lentia  
more



# DE CHRISTI PASSIONE.

## PROEMIVM.

**A**spice (pie Lector) instru-  
menta quibus tum in cru-  
ciando, tum in necando  
innocentissimo Redempto-  
re tuo IESV Christo im-  
pij satellites vsi fuere: qua ipse ob tui amo-  
rem tanto cum affectu atque voluntatis  
ardore amplexatus est, vt eum nec multi-  
tudo nec acerbitas tormentorum, neque  
sceleratorum satellitum truculentia de-  
terere potuerit: tã opere flagrabat in pe-  
ctore ipsius desiderium, peccata tua acer-  
bissima Passione sua expiandi atque de-  
lendi. Quandoquidem ergo tanta excel-  
lencia & maiestatis Dominus, pro tui a-  
more immanissima & contumeliosissima  
A 2      hac

4 P R A E F A T I O.

hac supplicia subire ac perpeti voluit, in-  
stum est ut eum plus quam remetipsum di-  
ligas: decet etiam ut anima tua, pro qua  
omnia haec sustinuit, tanquam qua pretio-  
so ipsius sanguine coempta sit, maximam  
deinceps rationem & curam habeas. Con-  
ueniens denique est, ut peccatum, pro quo  
expiando Christus crudelissima haec  
tormenta subiit, ex animo de-  
resteris & capitali odio  
prosequaris.

CHRISTUS

DE PASSIONE CHRISTI. 5  
CHRISTVS TRIUMPHANS  
ingreditur Hierosolymam  
Matth. 21.

PVNCTA MEDITATIONIS.

I. **C**ONSIDERA Iesum instante Passionis suæ tempore, qua mundo id est vniuerso generi humano salutem collaturus erat, solemniter Hierosolymam ingressum, atq; à turbis cum ramis palmarum & fausta acclamatione, veluti Regem & Messiam susceptum fuisse: quamuis Iudæi de nece illi inferenda consilia inter se tractarent.

II. **C**ONTEMPLARE quomodo Christus, quamuis vili iumento in hoc suo triumphali in urbem ingressu vteretur, abiectis etiam hominibus, ac vili plebecula stipatus esset, tantam nihilominus maiestatem ostenderit, vt Scribæ & Pharisei, qui mortem ei moliebantur, pudore suffunderentur atque attonitis similes redderentur.

III. **A**SPICE qua cum humilitate ac mansuetudine Hierosolymam ingrediarur, certo sciens, se post paucos dies ab eadem turba, modo laudes suas elatis vocibus concelebrante, cruce grauissima in humeros imposita, foras educendum.

**MEDITATIONES.**  
dum esse, ut cruci ignominiosè affigetur, & morte turpissima tolleretur.

**DOCUMENTA.**

1. **D**isce fili à Christo, honorem etiam debitum, ab alijs tibi delatum, magna cum humilitate & animi submissione suscipere.

2. Nihil est, quod tanto perè terreat hostem anime tue, quam humilitas: esto igitur humilis, si victoriam de illis reportare desideras.

3. His turbis similis es, si in sacra communi-  
one Christum gaudenti animo suscipiens, illum pro-  
perea peccando eijcias à te.

**COLLOQUIUM.**

1. **Q**uid agis bone IESU? nonne post  
modò triumphanti similis ingrederis, cum  
ingenti ignominia neci tradendus es? In  
eadem hæ turbæ quæ nunc præconijs te  
attollunt, nonne paulò post vociferantur  
funt, crucifige, crucifige illum? Quorsum ergo  
triumphalis hic ingressus? O ardentissimi  
charitatè. Voluisti hac ratione demonstrare  
ingentem illam voluptatem, quam cor tuum  
um ex eo perciperet, quod tempus illud  
quo sacratissima Passione tua, nos ab æro-  
na morte liberaturus esses, appropinquas  
intelligi

DE PASSIONE CHRISTI. 7

intelligeres. Egredere filia Sion, ad excipiendum Regem tuum; venientem, non vt se de peccatoribus vlciscatur, sed vt pro illis animam suam tradat. Venientem non vt te bonis tuis spoliet, sed vt tibi sanguinem suum largiatur, atque cælestibus bonis te locupletet. Inuere quam mansuetus veniat, vt etiã vnica hac vice, qua in vita sua equitasse legitur, vilissimo animali, nullis egyptijs aut pretiosis pannis instrato, contentus sit. Quare cum fastum, pompam & apparatus omnem à se reiecerit, dat tibi intelligere, se nihil aliud quam bonum & commoda tua quærere. Egredere tu etiã anima mea, & hunc Dominum tuum suscipe & amplectere; tibi enim datus & tibi natus est, & nunc pro vtilitate tua humilis & mansuetus venit.

CHRE

2 MEDITATIONES.  
CHRISTVS A MATRE FACULTATEM AD PASSIONEM ABECUNDI POSCIT.

PVNCTA MEDITATIONIS.

I. **C**ONSIDERA, quomodo Christus, è vicino iam imminente hora Passionis suæ, facultatem à dilecta matre sua sibi fieri postulauerit, abeundi Hierosolymis, vt ibi, iuxta Patris sui ordinationem, mortem pro salute humani generis oppeteret.

II. **M**ENTE reuolue, quomodo Christus, quamuis matrem suam in omnibus diuinæ voluntati conformem esse sciret, nihilominus, cum eam ex trist. hoc nuncu. mœstam & cū alijs pijs mulieribus lachrymantem cerneret, consolatione adhibita confirmauerit.

III. **C**ONTEMPLARE quomodo Christus tanto flagrabat desiderio, paternam obedientiam perficiendi, atque pro tua saluatione tormenta & mortem subeundi, vt quam citissimè, à suis se expediret, quò tempestiuè Hierosolymis se presentaret, atque vt agnus mansuetus ad sacrificium properaret.

DE PASSIONE CHRISTI.

DOCUMENTA.

1. **F**ili, quando **DEVS** aliquod opus bonum tibi suggerit, caue ne illis, qui te in eo praevidere possunt id indices, sed quantum potes caela & occultia illud.

2. **V**e tibi, si, ne parentes aut amicos tuos merore afficias, voluntatem **DEI** adimplere negligis. **DEO** enim acceptum quidem est quod eos consoleris & confirmes, sed gratum ne utiquam habet, quod se ab illis in bonis actionibus praevideri patiaris.

3. **V**i divinae voluntati pareas, non modo Patrem, Matrem, substantiam, & amicos relinquere, sed etiam Christi exemplo, te quam citissime ac diligentissime ab illis expedire debes, ut sequaris Deum quocunque te vocat.

COLLOQVIUM.

1. **Q**uo proficisci cogitas dulcis **IESV**, quod ingruente Paschalis diei festiuitate, à dilecta matre abeundi facultatem possis? Qui in exteris regionibus degunt, ut Paschales dies cum suis peragant, reditum maturare solent, & tu abitu moliris? Moneat

te lachrymæ charissimæ sed mestissimæ  
 Marris tuæ. Moueant te Magdalenæ tibi a-  
 micissimæ preces ad manendum in ea do-  
 mo, in qua te omnes summo amore com-  
 plectuntur, non autem ad iter Hierosoly-  
 mam instituendū, vbi hostes pernitiem tibi  
 machinantur. Veruntamen vt video, benedi-  
 gne I e s v, renuis id facere: quia duæ aliæ  
 sorores Martha & Magdalena robustiores  
 Hierosolymam te trahunt, videlicet, obe-  
 dientia Patris, & Charitas qua animam tuam  
 pro nostra redemptione tradere flagra-  
 bas. Perge igitur feliciter Hierosolymam,  
 quia pia Mater tua, quandoquidem Pater  
 cælestis eam pro te mortem, quemadmo-  
 dum cupiuisset, oppetere non vult,  
 promptissimo animo diuinæ  
 voluntati te totum  
 tradit, & consi-  
 gnat.

MYIIOOIOO

CHR.

DE PASSIONE CHRISTI. 16  
CHRISTVS AGNVM PASCHA-  
lem cum discipulis manducat,  
Matt. 26. & Luc. 22

FFUNCTA MEDITATIONIS.

I. **C**ONSIDERA quomodo Christus cum non esset ei Hierosolymis domus, neque prouisio ac sumptus ad celebrandum Pascha cum discipulis, misit à Bethania Petrum & Ioannem, Hierosolymam, vt cœnaculum quoddam à Domino domus pro se & familia sua instructum, consequeretur.

II. **C**ONTEMPLARE, quomodo Dominus cœnaculi non modò animo libenti ac voluntario, illud ei concedat & tradat, sed etiam vehementer gauisus fuerit, Christoque gratias egerit, quod domicilium suum subire atque illo vti dignetur.

III. **A**SPICE quomodo cum Christus mensa accumberet iuxta ritum veteris legis ingenti gaudio delibatus fuerit, quod figuris & vmbri finis imponendus, & ipse, qui erat verus Agnus in lege figuratus, cibus noster futurus esset.

## DOCUMENTA.

1. **Q**uanto minus in hac vita possides bonorum temporalium, tanto minorem DEO & Domino omnium rationem reddes.

2. *Fili, quoties charitatis opus alicui exhibes, cogita id gratiam & singulare DEI beneficium esse: ideoq; gaudenti atque promptissimo animo id age, atque diuinae maiestati gratias refer, quod talem tibi merendi suppeditet occasionem.*

3. *Aspice ut Christus, iuxta veteris legis instituta & caeremonias Agnum manducet: ita & uerum Agnum in Sacramento altaris, secundum nouae legis caeremonias manducare oportet*

## COLLOQVIVM.

**Q**uandoquidem tu, Domine, legem hanc de Paschate celebrando iudicis tulisti, ad eam minimè obligaberis. Et quavis obligaberis; quia tamen adeo inops & pauper eras, ut nec hospitium, neque agnus tibi suppeteret, à celebrando Paschate iustificimè excusari poteras: absit igitur, ut te ita hominibus substernas, illisq; supplex sis, quo tibi canaculum mutuent, atque de his, quæ ad Paschæ celebrationem spectant, tibi

DE PASSIONE CHRISTI. 43

tibi prouideant. Sed o quam profunda sunt  
actiones tuae: quam humiles & amore ple-  
nae cogitationes tuae. Quamuis enim sum-  
mae maiestatis DEVS atque totius vniuer-  
si Dominus existas; quamuis omnibus cre-  
aturis de alimento suo prospicias, nihilo-  
minus ad meam informationem legi sub-  
iici, & vsque in finem diligentissimus legis  
relator & obseruator esse voluisti. In pau-  
peritate etiam atque mendicitate vitam du-  
xisti, ut alijs charitatis in te exercendae, at-  
que ad temporalia tibi ministranda occasi-  
onem praeberes, quod illos tua gratia & cae-  
lestibus bonis locupletares. O te felicem  
cenaculi dominum, qui in domum tuam  
caelestem arcam suscipere, & creatorem tu-  
um pascere mereris. Gaude quia anima tua,  
& tota familia tua, talem ab hoc hospi-  
te suscipiet benedictionem, ut  
verè dici possit, *Hodie salus*  
*domui huc fa-*  
*cta est.*

CHRISTVS LAVAT PEDES  
Discipulorum. Ioan. 13

PVNCTA MEDITATIONIS.

I. **C**ONSIDERA, quomodo Christus  
posteaquam Pascha cum agno typi-  
co celebrasset, volens Apostolis suis verum  
Agnum videlicet semetipsum imperiti,  
prius eorum pedes ablucere voluit: itaque à  
mensa surgens, vestimēta deposuit, omnia-  
que ad id agendum necessaria sumpsit.

II. **A**SPICE quanta cum submissione  
Dominus maiestatis, præcinctus panno li-  
neo atque in genua procumbens, singulo-  
rum Apostolorum immundos pedes ab-  
luat, ablutosque tergat.

III. **C**ONTEMPLARE, quomodo  
Christus idem officium ingratiſſimo Iudæ  
præstare non erubescat, quamuis eum pro-  
ditionem suam iam concepisse, atque vi-  
lissima pecunia Iudæis vendidisse non ig-  
noraret.

DOCUMENTA.

I. **F**ili, ad bona opera efficienda & iuandam  
proximum tua commoda exemplo Christi  
relige.

## DE PASSIONE CHRISTI. 17

relinquere debes: qui vt discipulorum suorum pedes ablueret, de mensa surgere atque vestimenta sua exuere non detrectauit.

2. Nunquam veram humilitatem consequeris, nisi pro DEI amore non modo superioribus, sed etiam inferioribus volens libensque te submiseris.

3. Si coram illis te tantum humilias, à quibus boni aliquid speras, magno in errore versaris: quia Christus se ante pedes Iudæ humiliavit, à quo nihil nisi proditorem expectabas.

### COLLOQVIVM.

**Q**uid agis bone IESV? Nunquid à discipulis tuis offensarum dimissionem postulas? In quo eos offendisti? qua iniuria Iudam affecisti, quod coram illo in genua procidas? O Sancti Apostoli, nolite pati à summo Rege gloriæ pedes vestros abluí, quod ministerium serui Dominis suis exhibent. Veni anima mea, IESVS enim, in hoc cænaculo lectionem humilitatis adeo efficacem prælegit, vt qui huius virtutis amore non ardeat, mille gehennis dignus sit. O humilitatem inauditam. Rex Angelorum non contentus formam serui suscepisse, seruorum etiam ministeria peragit. Dominus seruorum suorum, & quod magis obstupendum est, Iudæ

Iudæ proditoris sui pedes abluit. Quis ergo  
deinceps à vilibus actionibus se subtrahat?  
quis eos qui molestiã siue iniurias sibi infe-  
runt non beneuolentia & amore prosequa-  
tur? Caterum **CHRISTE IESU**, quan-  
doquidem statuisti hoc ministerium ad-  
implere, memento quod dixeris, eum qui  
à te lotus non fuerit, non habiturum esse  
partem tecum. Quare per merita huius hu-  
militatis tuæ te obtestor, vt lachrymis cor-  
dis mei, tua gratia sociatis, laues pedes,  
caput & manus meas, vt affectus, cogi-  
tationes, & actiones meæ ita munda  
& nitidæ sint, vt diuinæ  
maiestatis tuæ oculis  
placeant & pro-  
benantur.

DE PASSIONE CHRISTI. 17  
CHRISTVS SANCTISSIMVM  
Eucharistiæ Sacramentum instituit.  
Matth. 26.

PVNCTA MEDITATIONIS.

I. **C**ONSIDERA, quomodo benignus  
Iesvs amoris igne estuans, ex hoc  
mundo discessurus, non contentus quod  
se nobis in magistrum & Redemptorem  
donasset, voluit etiam se nobis in cibum  
largiri, vt ætissimè nos secum vniret, de-  
oque sanctissimum Eucharistiæ Sacramen-  
tum instituit, in quo nobiscum habitaret, &  
à nobis manducaretur.

II. **C**ONTEMPLARE, quod Chri-  
stus eximio hoc dono & amoris pleno nos  
impertiuert, quando illi proditiones, &  
flagella præparabantur: vt demonstraret,  
se maiorem nostrorum commodorum,  
quam suorum suppliciorum rationem ha-  
bere.

III. **M**ENTE reuolue, quod Christus vo-  
luerit hoc cæleste manna, nobis in præsen-  
ti vita esse cibum, fulcimentum, amoris  
sui memoriam, & pignus æternæ glo-  
riæ.

DOCV.

1. **F**ili si munda cum conscientia panem hunc  
Angelicum sumpseris, vnieris Christo: si au-  
tem maculata cum conscientia eundem vsurpare  
presumpseris, Demoni vt Iudas sociaberis.

2. Magnitudo doni, excellentia donatoris, et  
hominis cui hoc donum collatum est, vilitas, con-  
tra te sententiam ferent, si donum hoc non susceperis  
aut estimaueris quantum debes.

3. Iuste sempiterna gloria tibi negabitur in  
caelis, si eiusdem gloria pignus, à te malè habitum  
fuerit in terris.

## COLLOQVIUM.

**Q**uam admirabilis est hic thesaurus,  
quem tu pie I E S U, ex hac vita mi-  
graturus, nobis reliquisti; est enim vti Pro-  
pheta affirmat, omnium operum tuorum  
mirabilium compendium: quia in eo po-  
tentiam, sapientiam, bonitatem, & miseri-  
cordiam tuam infinitam, demonstrasti.  
Amplius fugere non potest homo, quan-  
doquidem tali amoris vinculo eum tecum  
vniuisti, vt per cœlestem hunc cibum Filius  
D. 4

DE PASSIONE CHRISTI. 19

De i, & vnus tecum spiritus constituatur.  
Sed quis factum hunc panem manducare  
audeat? Quis t̄atum thesaurum in quo cor-  
pus, anima, & tota diuinitas tua simul con-  
tinentur manibus contingere pr̄sumat,  
quandoquidem de illo scriptum est, quod  
sicut vita est bonis, ita malis mors est? Quis  
autem tant̄e probitatis est vt diuino hoc  
conuiuio dignus habeatur? Te benignissi-  
me I E S V supplex rogo, vt qui eximio hoc  
beneficio me ornare dignatus es, gratiam  
itidem mihi largiaris, ne illud inquam in-  
dign̄e suscipiam: vt quemadmodum te mi-  
hi in terris contulisti in cibum, ita te  
mihi in c̄elis dones in pr̄mium,  
vbi tuam magnitudinem in  
omni æternitate laudi-  
bus celebrem.

CHRI.

20 MEDITATIONES.  
CHRISTVS ORAT ET AGO-  
nizat in horto. Luc. 22.

PVNCTA MEDITATIONIS.

I. **C**ONTEMPLARE, quomodo  
Christus cæna peracta ingreditur  
hortum, instar alicuius qui ingressurus sit  
locum certaminis: inter eundem verò non  
destitit iustitia plenos Apostolos, qui  
lachrymantes & suspirantes eum seque-  
bantur, consolari, ac metorem ipsorum le-  
nere.

II. **I**ESVS in hortum veniens, oratio-  
nem, sine vilo solatio fundit, Patris enim  
voluntas erat vt pateretur pro nobis; An-  
gelus ei crucem offert; Apostoli comites  
eius somno oppressi dormiunt; Judas autè  
ad illius proditorem vigilat, cohortesque  
ad illum comprehendendum animat.

III. **C**ONSIDERA quomodo sanctissima  
Christi anima præcipiens & procogitans  
passionis suæ tormenta: populi Iudaici ob-  
stinationem: Christianorum ingrati-  
tudinem, in eas angustias redacta fuit, vt san-  
guinem toto corpore sudauerit.

DOCV.

DOCUMENTA.

1. **F**ili, tum meriti tibi perfecta charitas, quando etiam cum tuo detrimento non destiteris consolari afflictos: quemadmodum Christus in maximis doloribus & angustiis constitutus, non destitit consolari merentes Apostolos.

2. **D**isce à Christo non deserere orationem, etiamsi nullum ex ea percipias solatium; quia verum orationis fructus est Deum voluptate afficere, sibi verò potius compunctionem quam consolationem procurare.

3. **S**i Christus aliorum peccata mente tantummodo pertractans, in eas angustias incidit, ut sanguinem sudauerit, quid tibi faciendum est miser & infelix peccator?

COLLOQVIVM.

**V**ndenam, bone IESV, hæc tua afflictio? Nondum præsentem sunt inimici: tecum est Angelus: tecum sunt Apostoli: tecum est Innocentia, cur ergo metuis? Hei Domine, timoris huius tempestas, quæ sanctissimæ humanitatis tuæ nauiculam concutit, à peccatis meis existit, & ego uti aliter Ionas cum Apostolis in ytramque au-

rcm

rem dormio. O Petre. O filij Zebadei, vigi-  
late, somnum ab oculis vestris excutite,  
Magister enim vester idcirco vos elegit, &  
secum duxit, vt ipsum consolarimini. Ex-  
pergiscere tu etiam Anima mea, sed caue  
ne Christi passionem impedire coneris, ne  
fortè audias, *Vade post me Satana, nō enim sapi-  
ea que DEI sunt.* Si enim Christus mortē nō  
oppeteret, quis ab æterna morte nos vin-  
dicaret? Sufficit ergo, quod illi compariaris.  
Intuere vt aliquando ad Apostolos abeat,  
non nunquam ad Patrem confugiat, nec ta-  
men vllum auxilium aut solatium inueni-  
at. Quam benè, Redemptor mi, de te inquit  
Esaias: *Circumspexi, & nō erat auxiliator, que si-  
ui, & non fuit qui adiuuaret.* Veruntamen vt  
video, Domine, non egēs adiutorio, quia a-  
mor & desiderium amarum hunc calicem  
pro nobis eporandi, te tantopere  
urgent ac stimulant, vt timor  
ad persuadendam tibi  
fugam minimè  
sufficiat.

DE PASSIONE CHRISTI. 23  
CHRISTVS COMPREHENDI-  
tur & ligatur. Matth. 26.  
Ioan. 18.

PVNCTA MEDITATIONIS.

I. **C**ONSIDERA, quomodo Christus  
Saluator noster adueniente Iuda cum  
armatis cohortibus, ei obuiam processerit,  
salutauerit, ab eo se osculari passus sit, & il-  
lum benignè, peccati per hanc prodicionem  
suam admissi, admonuerit.

II. **C**ONTEMPLARE, vt IESVS  
non modò se non defenderit, sed etiam v-  
niuersam turbam illam armatam; quam v-  
nico duntaxat verbo ad terram prostrauit,  
surgere permiserit: ministrum à S. Petro  
Apostolo vulneratum sanauerit: & sponta-  
nea voluntate in manus hostium se tradi-  
derit, prohibens illis ne quenquam suorum  
laderent.

III. **R**EVOLE quantam cum rabie ac  
traculentia, Iudas caeterique lupi tartarei,  
mansuetum Agnū IESVM cōprehenderint,  
ligauerint, & pro libitu suo tractauerint.

DOCUMENTA.

I. **F**ili aspice quam benignus & clemens fueris  
Christe in proditorē suū: qualis ergo eris in se  
diligētes, sibiq; toto corde seruientes? quo vultu, qua  
benig-

benignitate suscipiet eos, qui pro amore ipsius aduersitates patienter tolerant.

2. Fili da operam, ut amicis & inimicis beneficias: quemadmodum Christus prouidi: ne discipuli amici sui in aliquo lederentur: & inuisitum sauciatum curauit, bonum pro malo retribuens.

3. Intuere fili in quantam cecitatem Iudaei incidit, ut ex Apostolo Christi prolixor, & magistris sui carnifex effectus sit: idem euenit omnibus qui uocationem suam relinquunt, & cum conscientia mortali scelere inquinata, Domini corporis & Sanguinis sacramentum percipiunt.

## COLLOQVIVM.

**Q**uæ Domine, est ista mutatio? cum nondum aduenissent hostes tui, toto corpore tremebas, & modò illos aspiciens, audacter illis obuiam pergis? Nunquid ante carnis infirmitatem, & postea spiritus promptitudinem demonstrare? an uerò charitatem tuam, in conspiciendis tuarum Passionis ministris nobis patefacere uoluisti gaudedo nimirum quod hora illa tantopere a te concupita, appropinquasset? Hinc satis clarè patet bone Iesv, te non esse mercenarium, sed uerum & amore flagran-

DE PASSIONE CHRISTI. 25

tem pastorem vitam pro ouibus suis expo-  
nentem. O sancti Apostoli mementote,  
quod cum Christus sit caput vestrum, &  
vos illius membra, non modò non eum fu-  
ga deserere, sed etiam vosmetipsos scutum  
pro illo obijcere deberetis. Itaque nolite  
permittere vt latronis instar comprehen-  
datur & vinciat, qui venit, vt pro furto  
quod Adamus perpetravit, satisfaciat, &  
quæ non rapuit exoluat. Nolite pati vt ad  
urbem tantis cum iniurijs, tantaque cum  
blasphemijs & maledictoribus, quæ in  
eum iaciuntur contumelia ducatur. Egre-  
dere anima mea, & satellites obtestare, vt  
Iesv Christi sanctas & diuinas manus à  
vinculis soluant, quandoqui dem ille to-  
tam huius mundi vniuersitatem  
sustinet, & omnia præsen-  
tis vitæ bona nobis  
impertit.

RUE.

b

CHRI-

CHRISTVS AD ANNAM  
ducitur. Ioan. 18.

PVNCTA MEDITATIONIS.

I. CONTEMPLARE, quomodo Saluator à discipulis derelictus, manibus vinctis, instar latronis, ad Annam Pontificem ductus, imo potius tractus fuerit, et ibi iudicaretur.

II. CONSIDERA quomodo IESVS ab Anna de doctrina & discipulis interrogatus, cum respondisset, illos qui audierunt, de illa testimonium reddere posse, à scelerato quodam ministro, in maxillam caesus fuerit, quasi non satis modeste Pontifici respondisset.

III. ASPICE quā placidè & aequanimiter Christus alāpam hanc sustinuerit, ita ut etiam paratus esset alteram percussori maxillam porrigere, si eam fatelles poposcisset.

DOCUMENTA.

1. Fili teme ipsum decipis, si nimia in humanis auxilijs se emponis. Intuere ut Christus in periculo constitutus, à discipulis statim deseratus.
2. Noli nimium contristari, si alij d. t. a. s. s. a.

DE PASSIONE CHRISTI. 27

facta tua peruersè interpretentur: quia Christus  
etiam rectè loquens, in maxillam à vili satellite  
cassus fuit.

3. Fili si Christus à seruo contra omne fas  
percutus nō indignatur, cur tu molestè fers & ob-  
murmuras, quando DEVS te percutit? cur propter  
minimam verbi alicuius iniuriam, ab alia tibi  
obiectam, conturbaris?

COLLOQVIVM.

**H**eu Domine, quam cito crescunt op-  
probria tua? In horro uti latro com-  
prehensus, uti fugitiuus, vinculis constrictus,  
deinde tanquam vile cadaver protractus  
fuiti, & nunc in summi Pontificis præsen-  
tia uti superbus & arrogans alapa cæderis.  
Fierine potuit, ut reperiretur homo aliquis  
à deo immanis & sceleratus, qui in vene-  
randam & amabilem faciem, quæ in me-  
dijs etiam contumelijs & supplicijs ex ma-  
iestate resplendebat, nefando ausu alapam  
impingere auderet? Quomodo cælestes Po-  
testates à sacrilego hoc satellite, sceleris hu-  
ius immanissimi vindictam non poposce-  
runt? Cur ignis de cælo non descendit,  
& temerariam hanc manum, diuinum  
vultum temerare non erubescerent, in ci-  
neres non redegit? Cur terra os suum non  
aperuit, & impium atque truculentum  
huac

hanc satellitem viuum non absorbit: Gra-  
tia sit mansuetissime I E S V, immensa tuae  
charitati, quae statim in eum animaduerte-  
re noluit; vt tempus ei respiscendi, atque  
agenda pœnitentiæ indulgeres. Quid futu-  
rum esset de me bone I E S V, si non eadem  
erga me clemētia mereris, qui hoc ministro  
sceleratior sum? quando quidem ille te ho-  
minem tantum modo existimabat, ego ve-  
ro etiam D E V M te esse confiteor: & tamē  
peccatis meis toties te cædere, atque vul-  
tum tuum temerare ausus fui. Te igitur ob-  
secro Domine, vt eandem mihi clemē-  
tiam & benignitatem exhibeas,  
faciasq; vt patientia tua non ab-  
utar, neq; conuersionem  
meam de die in diem  
differam.

DE PASSIONE CHRISTI. 29  
CHRISTVS AD CAIPHAM  
ducitur. Matt. 26.

PVNCTA MEDITATIONIS.

I. **C**ONSIDERA quomodo Christus ab Anna ad Caiphā perductus fuerit, vbi scribæ & Pharisei falsis productis testimonijs, neci eum tradere moliebantur: sed vita Christi tantæ fuit probitatis & innocentia, vt etiam falsæ istæ linguæ, nulum scelus quod ei imponerent, reperire potuerint.

II. **C**ONTEMPLARE quomodo summe maiestatis Dominus ante Caiphā ligatis manibus consistat, à quo cum adiuuaretur vt an DEI filius esset ediceret, cum se esse respondisset, ille velut in rabiem actus, vestimētis disruptis, exclamauit, Christum blasphemasse.

III. **A**SPICE quomodo tam impij & sanguinarij satellites IESVM mansuetissimum tractauerint, alapas impeerint, oculos obuclauerint, & faciem eius scedè cōspitauerint.

DOCUMENTA.

I. **F**ili cupis vt nec peruersæ linguæ de te male loqui possint? fac vt opera tua à virtute  
b 3 profi-

proficiantur, & veritate socientur.

2. Vide ut Caiphas, eò quod immortificatus & passionibus plenus esset, veritatem à Christo prolatam reputet blasphemiam; quare passionem omnes in te radicatus extirpa, quæ hominem excæcant, & illum recte iudicare non patiuntur.

3. Filium vel os oculos Christo, & faciem eius conspice, quando sanctas illius inspirationes parvipendis, à te rejicis, aut illis contraria facis.

## COLLOQVIUM.

Quo pergis bone Iesus? quo satellites isti te abducunt? Noli obsecro pergere ad domum Caiphæ: illic enim sunt congregati Scribæ & Pharisei, iuratissimi hostes tui, qui te accusarunt apud Caypham, ut hominẽ seditiosum, & populi seductorẽ quinerã falsos testes inquirunt, ut falsis testimonijs contra te prolatis, neci te tradar. Verum ut video Domine nihil hæc te remorantur, imo magis accendunt flagrans desiderium cordis tui, quo pro mea & inimicorum tuorum salutem flagella & mortem perpeti desiderabas O immensam charitatem. O amorem infinitum. Quam diuersæ ô Christe sunt cogitationes infelicitum Scribarum & Phariseorum à tuis: cum ipsi

omnes

DE PASSIONE CHRISTI. 31

omnes vias peruestigarent, quomodo te  
morti traderent: tu cogitabas quomodo  
eis vitam aeternam impertireris. Quando-  
quidem ergo Domine tanta est charitas  
tua, ut compatiaris & benefacias, illis qui  
pestime de te merebantur, humiliter te ro-  
go, ut mei etiam commiseratione tangaris,  
qui quamuis te hactenus saepe offenderim,  
deinceps tamen ex animo tibi seruire, &  
tua gratia roboratus, gratissimam  
voluntatem tuam in omnibus  
actionibus meis perfice-  
re deside-

80.

CHRIST

CHRISTVS CORAM PILATO  
accusatur. Luc. 23.

## PUNCTA MEDITATIONIS.

I. **C**ONSIDERA, quomodo IESVS tribunali Pilati exhibitus fuerit, ut ab eo morti adiudicaretur; Pilatus verò cum non inueniret causam mortis in eo, & Christum Galilæum esse intelligeret, Herodis Galilææ domini, tribunali eum sisti iussit.

II. **C**ONTEMPLARE quomodo Iudæi, cum à Pilato, quod cupuerant non obtinuisissent, totam rabiem suam in IESVM effuderint, illumque probrosis verbis, multisque alijs contumelijs per plateas Hierosolymitanæ urbis, ad Herodis palatium pertraxerint.

III. **R**EVOLVE magnitudinem humilitatis & amoris Christi erga nos, qui pro salute nostra, & eorum qui has ei iniurias irrogabant, malè tractari & ludibrio haberi non detrectavit.

## DOCUMENTA.

I. **F**ili discite à Christo non murmurare, non indignari, quando Iudices non eam quam debent

DE PASSIONE CHRISTI. 33

berent iustitiam tibi administrant, aut eam de die in diem prorogant: et iam se irgere, vt eam faciant licitum sit.

2. *Quomodo poteris in publico, ad Christi exemplum ludibria & contumelias pro Domini amore sustinere, qui domi, ne minimum quidem verbum, aut leuem iniuriam placide tolerare potes?*

3. *Fili humilitatis cum Christo amator esto, & omnia hominum ludibria nihili pendes. Veram praeterea charitatem consequi satage, & his qui te offendunt, benefacies.*

COLLOQVIVM.

**O** Domine quando isti satellites aliquā tibi requiem indulgebunt? quando tuis irrisionibus lassī & saturi erunt? sufficiat illis, quod tota nocte instar canis scāno sine sedili te alligauerint, & nunquam à te affligendo & cruciando cessauerint. O immanitatem. Tu fecisti noctem ad hominum quietem & refocillationem, & homines eam in te cruciando & affligendo transigunt: Quam magna Redemptor mi, est charitas tua; vt nobis aeternam requiem largiteris, torqueri & cruciatibus fatigari non detrectas. Heu Domine, transacta est nox & tamen cruciatus tui necdum finem habent.

habent: sed quemadmodū inimicorū tuorū  
 rabies magis ac magis crescit, ita & illi sin-  
 gulis penē momentis augentur. O Hiero-  
 solyma cur ad IESUM defendendum & de  
 manibus hostium eripiendum non con-  
 surgis, qui filius tuus, in his ipsis plateis, per  
 quas ignominiosē veluti reus & malefa-  
 ctor ducitur, sanitatem contulit? Tutare il-  
 lum, quia Pilatus nullam in eo mortis cau-  
 sam inueniens, Herodi eum transmittit &  
 scelerati Iudæi, qui ex inuidia eum accu-  
 sauerant, quia veteri sui compotes esse  
 secti non fuere, odio & ira sti-

mulati, immānissimē  
 illum tra-  
 ctant.

CHRISTUS  
 IESUS  
 FILIUS  
 DEI

DE PASSIONE CHRISTI. 5  
CHRISTVS HERODI  
præsentatur. Luc. 23.

PVNCTA MEDITATIONIS.

I. **C**ONSIDERA quomodo Herodes  
Christum videns gaudius fuerit, spe-  
rans se visurum aliquod ab eo patrari mi-  
raculum, sed Christus intelligens desiderium  
hoc inutile & curiositatis plenum esse,  
non respondit ei verbum, & tacens Hero-  
dis curiositatem arguit.

II. **A**SPICE quomodo Herodes cum  
seruis suis, Christum ludibrio habeat, illū-  
que alba veste tanquam stultum ac mentis  
inopem vestitum, ad Pilatum remittat, quo  
factum est vt per viam ab omnibus mirum  
in modum derisus fuerit.

III. **R**EVOLE quo amor DEI fili-  
um perduxerit, vt nimirum, cum esset DEI  
Pater æterna sapientia, nostri amore pro-  
stulto & velano haberi non detrectauerit.

THEO DOCUMENTA.

I. **N**oli esse curiosus, alioqui nunquam veram  
pacem obtinebis, & in aliorum negotia in-  
quirendo, teipsum negliges, si que peruersi mores  
tuos nunquam corriges.

2. *Fili cur queris ab hominibus magnificari, quandoquidem Christus non erubuit ab Herode sperni, à quo, si miraculum aliquod patrare voluisset, laudari & honorari poterat.*

3. *Fi. i parum refert quod mundus te vesanum & mente captum existimet, si tu per rectam semitam graderis, & ea que DEO iudici tuo placencia sunt, facis.*

## COLLOQVIVM.

**O** Domine quod est hoc tantum scelus, a te admissum propter quod ad tã diuersos iudices & tribunalia duceris: Cur nõ defendis te à calūnijs & falsis accusationibus Iudæorum? Infamia enim tua magis ac magis augeri videtur. In domo Annæ velut arrogans reprehensus & in maxillam cæsus: A Caïpha vti blasphemus morti adiudicatus: Coram Pilato tanquam populi seductor accusatus fuisti: & modò ab Herode veluti stultus ludibrio haberi? Cur siles Domine? Cur tot ictus tam constanti animo perfers? Nunquid non es tu increata sapientia totam mundi vniuersitatem gubernans: Nunquid non es ille, in quo omnes thesauri sapientie & scientie DEI reconditi sunt: Quomodo igitur Herodes & serui eius

DE PASSIONE CHRISTI. 37

eius te veluti hominem rationis inopem  
tractant? O amor quam magnæ sunt vires  
tuæ, quæ Dominum totius potentia, ad  
tantas iniurias immobilem effecisti. Non  
debet anima mea ut deinceps tristeris, quã-  
do ab hominibus contemneris, cum vide-  
as Dominum tuum pessimè haberi, nec ta-  
men conqueri aut molestè ferre, sed po-  
tius gaudere debes quia quanto  
magis contemptus fueris,  
tanto eris Christo magi-  
stro tuo simi-  
lior.

b 7 CHRISTVS

CHRISTVS ET BARRABAS  
proponuntur populo.

Matth. 27.

## PUNCTA MEDITATIONIS.

I. **C**ONSIDERA quomodo IESVS  
denuo tribunali Pilati exhibitus fue-  
rit, qui cum iuxta veterem consuetudinem  
vinctum vnum Iudæis dimittere deberet,  
vt liberaret Christum quem innocentem  
noverat, proposuit eum cum Barraba La-  
trone, sperans populum Christi dimissio-  
nem flagitaturum esse.

II. **C**ONTEMPLARE quomodo ingra-  
tus populus ab impijs Scribis & Phariseis  
persuasus, magnis vocibus postulauerit  
Barrabam dimitti, IESVM vero cunctisq[ue]

III. **R**EVOLVE quid Christus in mis-  
errimo corde suo tum afflictionis senserit,  
non modo quod minor infami latrone ces-  
seretur, sed etiã propter peccati enormita-  
tem quod in hac postulatione Iudæi peccata  
pertrauerunt.

## DOCUMENTA.

**P**ilatus vt satisfaceret Iudæis, dimisit Bar-  
rabam Christum vinctum retinuit: idem tu  
facis quãdo vt appetitionibus tuis satisfacias, ser-  
uabis

## DE PASSIONE CHRISTI. 39

libus omnem libertatem permittis & spiritum opprimis.

2. Si Iudæi malè egerant, quod Barrabam Christo pr. eposuerint, quanto tu sceleratius agis, qui peccando Christum à te repellis, & Demonem pro Domino tuo asciscis?

3. Fili, si magis doles de damnis tuis temporalibus, quam de detrimentis spiritualibus proximorum tuorum: indicium das, Charitatem in te non esse perfectam, in qualis erat in Christo: qui magis tristis fuit de peccato Iudæorum, quam de suis cruciatibus.

## COLLOQVIVM.

**B**enignissime IESU, in quo Iudæos offendisti, ut non modò nullus ex eis tibi parocinetur, sed etiam Barrabam infamem & sceleratum latronem tibi antefecerunt? O ingrata Hierosolyma, fieri potest ut ira prorsus memoriam deposueris innumeriorum & maximorum beneficiorum, quæ à Christo accepisti? Fieri potest, ut non recorderis damnorum, quibus à Barraba latrone affecta es? quam multos ille filiorum tuorum peremit: quam multis ille substantiam, facultates, & vitam abstulit: & tamen flagitas ut liber dimittatur. Christum  
vero

vero qui infirmos tuos sanitati restituit, & mortuis vitam reddidit, ad necē depolcis, & crucifigi postulas. O carcam inuidiam & capitale odium; mauius viuum & liberum latronem sanguinarium, quam innocentē DEI filium. O Angeli. O Cœli, cur non vlcissimini tantam ingratiudinem? Domine factum hoc, præterquam quod illis qui in hac vita pro tui amore contemptui habentur, solatio est: instruit nos etiam parui pendenda esse falsa huius mundi iudicia, quandoquidem tu suprema bonitas & Rex gloriæ, à vesano mundo Barraba inferior & sceleratior iudicatus fuisti. Roborat etiam nos ad tolerandas omnes iniurias & contumelias, quæ in præsentī vita nobis irrogantur.

CHRI-

DE PASSIONE CHRISTI. 41  
CHRISTVS AD COLVM-  
nam flagellatur.

Ioan. 19.

PVNCTA MEDITATIONIS.

I. **C**ONSIDERA, quomodo Pilatus  
Iudæorum instantiam vt Christum  
morti adiudicaret conspiciens: & ex altera  
parte nullam in Christo culpam inueniens  
vt eum liberaret, Christum flagellis cædi  
iussit, quo hac ratione Iudæorum animos  
placaret.

II. **C**ONTEMPLARE, quo pudore  
suffusus fuerit Dominus maiestatis, cum in  
omnium præsentia vestibus spoliaretur:  
Qua contumelia affectus, cum veluti bestia  
ad columnam ligaretur: Quot dolores sen-  
serit, cum flagellis crudelissimè cæderetur.  
Et cogita horum omnium causam peccatis  
tuis assignandam esse.

III. **A**SPICE generosum IESV Christi  
animum, quem nec dolor nec pudor ad in-  
dignationem aut lachrymas permouere  
potuit: sed nostra semper commoda animo  
voluens, maiora pro nobis perpeti deside-  
rabat.

DOCV

## DOCUMENTA.

1. **C**Aue fili ne malè agas, non enim excusaberis etiamsi intentio tua in bonum finem respiciat, vt videlicet bonum aliquod inde sequatur, aut malum aliquod impedias. Ideoq̄ peccauit Pilatus, qui IESVM flagellis cedi imperauit, vt eum è manibus Iudæorum liberaret.

2. Disce à Christo, mortificationem pro DEI amore amplecti, que quanto sensui molestior est propter humanos respectus, & dolorem quem sibi coniunctum habet, tantò amplius prodest spiritali.

3. Filius verus DEI amator, & videberis tibi nunquam satis multa pro DEI amore fecisse: sed semper plura facere desiderabis.

## COLLOQVIVM.

**E**Xistimabam dulcissime IESV, Pilatū tui tanquam à Iudæis iniuste accusati commiseratione tactum, aliquid tibi auxiliaturum esse. Sed heu plus tibi nocuit. Iudæi enim intelligentes cum post flagellationem te dimittere decreuissent, inter flagella te morti tradere cogitarunt, ideoque crudelem in modum flagris in corpus tuum desquieverunt. O clementissime Domine, stupiam illam legem tulisti ne in flagella-

dis

DE PASSIONE CHRISTI. 49

dis hominibus quadraginta plagarum numerus excederetur, ne reus multis verberibus sedē dilaceratus abiret. Tibi vero nec lex patrocinator, nec pietas aliqua impenditur. O dulcis Redemptor mi, quid te ligatum & immobilem tenet in tam ignominioso supplicio: Non Iudæorum funes, sed amoris tui catenæ. Hic est qui viam tuæ liberationi obstruxit. Hic facit, ut nemo Passionis tuæ impedimento sit. Veni anima mea, & collige in vasculum cordis tui, preciosum Iesus Christi sanguinem, quo muri & columnę asperguntur, & velut remississimam custodi: utilis enim erit tibi ad placandam iusti Dei indignationem, quando tibi offensus fuerit.

CHRE

## PUNCTA MEDITATIONIS.

I. **C**ONTEMPLARE quomodo  
Christus à colūna solut<sup>9</sup>, vestes suas  
humi sparsas collegerit, & vt aliquantulum  
respiraret ijs se vestiuerit. Sed ecce, milites  
denuo eum vestibus exuunt, vt nouo eum  
tormenti genere excrucient.

II. **C**ONSIDERA quomodo circum-  
dederint eum purpura, capiti coronam spi-  
neam imposuerint, manibus arundinem  
indiderint: quæ facti Regis insignia, IESVS  
verus Rex gloriæ suscipere non detrectauit,  
quamuis dolore pariter & confusione sum-  
ma permixta essent.

III. **A**SPICE quomodo milites genua  
coram eo flectentes eū irrideant, Regem Iu-  
daeorum salutent, in faciem eius spura fac-  
tissima congerant, & certatim alapis cer-  
dant: quæ omnia IESVS pro nobis tanquam  
cum humilitate & patientia sustinuit, vt os  
suum non aperuerit.

## DOCUMENTA.

I. **F**ili noli conueni & molestè ferre cum vna  
tribulatio alteram excipit, quia in DEI filio  
vnam

unum tormentum, alia statim grauiora secuta sunt.

2. Si in hac vita melius & delicias Domini tuo tractari non vis, cur queris quando aliqua tibi contumelia, aut afflictio euenit? Si contemni & sperni renuis, indicium das superbiae: quia pro Christo mollius haberi cupis.

3. Fili, Christum irident qui Christianos se esse profites, id est humiles & mansuetos, factis huic nomini non respondent.

### COLLOQVIVM.

Quid sibi vult, Domine, quod modò, cum abiectissimi illi satellites, corona pinea capiti tuo imposita, & arundine manui inserta, te ludibrio habent, non fugis: Et Iudæis tibi verū Iudæici regni sceptrum, & honorabilem coronam impertiri volentibus, fugam capessis? Quid est hoc? Rex fictitius esse non abnuis, & verus Rex esse detrectas? Voluisti humillime IESV, doctrina & factis demonstrare te mundo huic vano & cæco aduersari. O anima mea non oscitanter atende ad vtilissimam hanc lectionem, quam IESVS magister tuus opere tibi prælegit. Vide quanto opere fugiat honores & sublimitates, quas stultus hic mun-

mundus magna cum ambitione desiderat  
 & quarit. Aspice quanto cum affectu irrita-  
 ones & opprobria, quæ mundus tantopere  
 horret, complectatur. Horret autem, quia  
 quid crux mortificationis sit, quantoque  
 apud Deum in pretio habeatur, ignorat:  
 suis interim molestissimam vani honoris  
 crucem ferendam imponens, sub qua labo-  
 rantes, vitam simul & animam perdunt. Sa-  
 tis obone Iesv, intelligo quam vilis mi-  
 hi sit crux mortificationis, sed sensualitas  
 mea peruersa ipsam defugit: deoque te  
 supplex rogo, vt mihi affectum ad  
 eam desiderandam & vires ad  
 eam ferendam sug-  
 geras.

ECCII

DE PASSIONE CHRISTI. 47 .

ECCE HOMO. Ioan. 19.

PUNCTA MEDITATIONIS.

I. CONTEMPLARE, quomodo Pilatus Christum, capite spinis coronato, facie ex percussionibus liuida & tumefcente, & corpore toto sanguine cruentato exhibuerit populo, ut eum ad commiserationem permoueret, atque a nece Christo inferenda reuocaret.

II. CONSIDERA, quomodo Christus quamuis se à populo quem innumeris beneficijs ornauerat, derideri & contemni videret; audiret etiam iterum iterumque vociferantē, *Cruce fige, Cruce fige illum*, propterea tamen ab illo amando non destitit, sed cum tormentis, amor etiam erga populum creuit.

III. REVOLVE tecum, quod peccata nostra, IESUM summæ maiestatis Dominum perduxerint ad tantam confusionem, quam ille nostri amore generoso & forti animo sustinuit.

DOCUMENTA.

1. *Qui non compatitur proximo in afflictione existenti, eo deuenit, ut etiam crudelis reddatur ipsi animam suam.*

2. *Fili*

48 MEDITATIONES.

2. Fili discè à Christo, non desistere ab amore proximorum etiamsi ingrati fuerint: Illi etiam qui tibi malè volunt benefacere.

3. Si aliena peccata Christum in hac vita ad tantam ignominiam perduxerunt; quantam ignominiam & confusionem peccatores in extremo iudicij die, in totius mundi conspectu pro suis peccatis subibunt?

COLLOQVIVM.

O Dulcis & pie I E S V, nunquid non es tu speciosus forma præ filijs hominum, & desideratus omnium gentium: Nunquid non es tu, uti Simon cecinit, gloria plebi tuæ Israël? Sed heu? video te iã ita deformatũ & malè habitum, ut de te rectissimè dici possit, Ego sum verus & non homo, opprobrium hominum & abiectio plebi. O Pilate cur tantis cruciatibus innoxium I E S V M affecisti? Non cernis quod quanto magis illius tormenta cretunt, tanto iuratissimorum hostium ipsius odum & rabies augmentetur? Exhibe illis Christum, quantumvis etiam laceratum & ad permouendos animos idoneum, & ipsi demonstrabunt quãtã sanguinis ipsius effundendi sitim habeant. O Maria veni & vide

num

DE PASSIONE CHRISTI. 49

num iste homo quem Pilatus populo exhibet, sit filius tuus : inspicere atque considerare illum diligenter, & iudicare num de illo dici possit. *Beatus venter qui te portauit?* O SS. Angeli venite & aspiciate hominē hunc, & iudicate, num iste sit in cuius natiuitate vos caelestia cantica cecinistis. O Petre. O filij Zebedaei, contuemini an hic sit Magister vester, cuius facies in transfiguratione Solis instar resplenduit. Pater aeternae hincine est *filius tuus dilectus in quo tibi complacuit.* Ecce ad quem statum redactus est, vt à te innoxiam perficeret obedientiam, & calicem à te oblatum epotaret. Tibi gratias ago Pater caelestis, qui vt ego peccatorum remissionem conseruerer, Filio tuo parere noluisti.

ε

CHRI

MEDITATIONES.  
CHRISTVS EDVCITVR  
ad crucifixionem. Matth.

27. Ioan. 19.

PVNCTA MEDITATIONIS.

I. **C**ONTEMPLARE quomodo Pilatus officij, & gratiæ Caesaris amittende timore victus, ad impiorum Iudæorum postulationem, Christum innoxium ad Crucis supplicium condemnauit.

II. **C**ONSIDERA quo cum affectu Christus crucem amplexatus fuerit, quam ipse ingenti cum desiderio hactenus concupiuerat & exspectauerat, ut in ea redemptionis nostræ pretium exolueret, ideoque eorum iudicibus, se neque defendere, neque crimina sibi obiecta, licet falsa, à se remouere, voluit.

III. **C**ONTEMPLARE quomodo IESVS crucem in contractis humeris suis gestauerit, quam tamen illo sub onere propter nimiam debilitatem sæpius cadente, carnifices postmodum, ut tanto citius ad locum supplicij peruenirent, illum que cruci affigerent, Simoni Cyrenæo ferendam impoluerunt.

DOCUMENTA.

**F**ili si iustitiam administrare dissimulas, ut

DE PASSIONE CHRISTI. 32

vel officij, vel gratiæ magnorum virorum iacturam facias, uti Pilatus fecit: animam tuam perdes & gratiæ diuinæ detrimentum facies.

2. Qui non fert crucem suam, animo libenti ac voluntario propter amorem DEI, meritum perdit: laborem sibi conduplicat, & crucem suam grauiorem, atque ad portandum molestiorem efficit.

3. Fili, nunquam deponere desiderium patienti pro amore Christi, qui tanta pro te passus est, quamuis alij tibi in ferenda cruce auxilio sint.

COLLOQUIVM.

QVo pergis afflictissime IESV? Hac via non gradiuntur innocentes & iusti, qualis tu: sed latrones, & malefactores? Vah impie Pilate; siccine cõdemnasti DEI filium, quem nulli culpæ affinem atque à Iudæis per inuidiam accusatum tibiq; traditum esse non ignorabas? Maluistine sceleratæ illorum voluntati morem gerere, quam iustitiæ atque conscientiæ tuæ satisfacere: O mesta mater MARIA quid ages? Num appellabis ab iniusta sententia? Sed ad quem appellabis, cum ipsemet DEVS Patet velit eum mortem pro nobis oppetere? An te ipsa DEO pro salute nostra in sacrificium offeres? O benignissime Iesu intelligo Pilati sententiã non effecisse, vt per hanc viam

MEDITATIONES.

crucifigendus pergeres, sed peccata mea.  
 Non ludæi te ad montem Caluariz duxe-  
 runt, sed tuæ istæ sorores, obedientia &  
 charitas, quæ te iam inde à natiuitate sem-  
 per comitatæ fuerunt. Hæ passæ non sunt  
 vt te coram iudicibus defenderes: hæ mo-  
 dò viam tibi sternunt ad locum sacrificij, vt  
 ea quæ tibi à Patre imperata sunt absoluas.  
 Te obsecro pijsime De vs, da mihi  
 gratiam vt ad tui imitationem  
 quando ab hominibus in-  
 iustè iudicor, id patienter  
 & humiliter tole-  
 rem.

CHRIST

I.  
 nem  
 defi  
 nis  
 vt i  
 felle  
 nec  
 to li  
 petu  
 II  
 men  
 prop  
 cum  
 te au  
 & pe  
 ximo  
 III  
 super  
 expli  
 dine  
 & pe

DE PASSIONE CHRISTI. 33  
CHRISTVS CRUCI AFFLIGITUR. Matth. 15.

PVNCTA MEDITATIONIS.

I. **C**ONTEMPLARE quomodo postquam ad montem Caluariæ peruentum fuisset, ministri cernentes Christum deficere, tum vt ad supplicium crucifixionis sustinenda vires ei suppetere, tum vt in gustu cruciaretur, obtulerint ei vinum felle mixtum, quod ille gustauit, vt nulla nec pars neque sensus corporis à tormento liber esset, sicque pro tuis inordinatis appetitionibus satisfaceret.

II. **C**ONSIDERA, quomodo vestimentis Christi flagellorum vulneribus, propter graue crucis pondus inherentibus, cum ministri eum ingenti cum crudelitate nudarent, omnia vulnera renouauerint, & pellem simul cum vestibus non sine maximo Christi dolore abstraxerint.

III. **A**SPICE quomodo CHRISTVS super crucem extensus, brachia sua ipsemet explicauerit, & magna cum animi fortitudine atque charitate, ferreis clauis manus & pedes transigi permisit.

1. **F**ili si post infatigabile in bonis operibus studium, molestiam ab aliquo pateris, noli indignari & impatienter ferre, quia Christo post tot cruciatus, sel bibendum offertur.

2. Quanto plus carni tue indulseris, tanto magis crucem pro Christi amore perpeti recusabis & tanto minus idoneus eris ad sequendum Christum in montem Caluarie.

3. Fili, noli unquam laborare ut crux sese accommodet, sed ad exemplum Christi, crucem accommoda.

## COLLOQUIUM

**T**empus est Saluator mi, vt tandem alio quando quiescas, quandoquidem extinere fatigatus es, & vulnera flagellati corporis tui residuum sanguinem extillat. Sed vbi requiesces afflictissime IESU? nunc quid in brachijs amantissimæ matris tuæ? Eheu! ingrata Synagoga alium tibi lectum præparauit, crucem videlicet: lectum doloris plenum, lectum præsentaneæ mortis. O Sancti Angeli, qui nascente Christo, quando in præsepi reclinatus fuit obstupuitis, quid nunc vobis animi est, cum eundem Christum cernitis nudum, vulneribus refferis, & in

DE PASSIONE CHRISTI. 59

& in crucis ligno distentum, ut ei non funibus  
veluti ad columnam, alligetur, sed fer-  
reis clavis affigatur? Hei: Nos manus & pe-  
des ad arborem veteram extendimus, & tibi ad  
huius criminis expiationem, manus & pedes  
clavis transuerberantur. O Ministri, si non  
permouet animos vestros ad commiserati-  
onem filij afflictio, moueat saltem maesta  
mater, quae ictus vestros in anima sua tam  
sensibiliter percipit, ut verè dici possit, vos  
eam simul cum filio crucifigere. O clavi,  
quandoquidem truculenti carnifices nulla  
Christi pietate tanguntur, estote vos mites  
creatori vestro, & igne ardentissima car-  
nitatis eius permolliti, omnem aspe-  
ritatem in manibus & pedibus  
eius transfigendis de-  
ponite.

CHRL

CHRISTVS IN CRUCE TRI-  
bus horis pendet & moritur.

Luc. 23.

## PUNCTA MEDITATIONIS.

I. **A**SPICE quo DEI filius ab amore  
quo nos complectebatur, se redigi  
passus sit: ut videlicet nudus penderet inter  
duos latrones, tanquam homo sceleratus  
& facinorosus.

II. **C**ONTEMPLARE, quomodo  
quamuis hostes & crucifixores Christi dig-  
ni essent, in quos diuina ultio propter iniu-  
rias & tormenta quæ Christo insoniti irro-  
gauerant animaduerneret: pius tamen Ie-  
sus pro illis orauerit, atque crimen eorum  
apud Patrem suum excusauerit.

III. **C**ONSIDERA quomodo Chri-  
stus obediens fuerit vsque ad mortem, &  
in cruce pendens, omni que ex parte affli-  
ctionibus & tormentis circumdatus, plura  
tamen adhuc pro nobis pati desiderans, a-  
nimam in manus Patris exhalauerit.

## DOCUMENTA.

**F**ili cur erubescis te non esse tam splendidum  
vestitum, aut tanta in existimatione haberi  
quam

DE PASSIONE CHRISTI. 97

quam velles: quādo quidem Dominus & magister  
tuum in cruce nudus & inhonoratus pendet.

2. Si eum qui te persequitur amare vis, nolē  
iniuriam quam tibi irrogavit attendere; sed quid  
te, si boni Christiani officio defungi cupis, facere  
oporteat considera.

3. Filii obedientia tua tum erit grata DEO,  
& aeterna retributione digna, si, quae macula mundum  
Christum, & sicut ad mortem in ea perstiteris.

COLLOQVIVM.

**O** vnigenite DEI Patris quod tantum  
in celum admisisti, vt tam ignominio-  
so crucis supplicio dignus habereris? Quod  
est hoc tantum innocentissimae carnis tuae  
erinae, ob quod tam immaniter in eam  
secutum fuit? O Pater misericordiarū quid  
sibi vult, quod nobis mille gehennis pro-  
meritis, tribulationes ad mensuram disper-  
tiris, innoxio autem IESU sine mensura  
eandem immittis? Quid sibi vult, quod Iob  
amicum tuum Sathanæ potestati per-  
mittens vt ab eo probaretur, conditionem  
hanc adiecisti, ne vita eum spoliaret: & vni-  
eum atque obedientissimum filium tuum  
sine vlla conditione potestati principum  
teuebrarum tradis, vt in eum omnem  
suam

88 MEDITATIONES.

suum furorem effunderent, atque tormen-  
tis eius se fatiarent: O benedicite I E S V ubi  
sunt discipuli tui, qui tecum in carcerem &  
mortem se ituros spondebant: Vbi sunt qui  
a te vitæ & sanitatis beneficium accepe-  
runt: Heu solum te video, vnico tantum A-  
postolo & afflicta matre tua, comitatum,  
quæ cum te morti appropinquantem cer-  
neret, nec vllum tibi auxilium prestare pos-  
set, inter suspiria animo linguebatur. Cuius  
aspectus, eò quod angustijs eius compate-  
ris, pœnas tuas non parum accumulabat.

O Anima mea noli deserere I E S V M,  
sed adiunge te illi, quia brachia  
tenet expansa, vt te velut  
carissimam filiam  
completectus.

DOCTRINA  
CHRISTIANE  
FIDEI

CI  
ma  
mai  
bus  
terre  
liber  
II  
Chri  
nie, se  
ltes  
tis &  
III.  
victo  
suis v  
ferre  
onem  
F  
nes, te  
Mady

DE PASSIONE CHRISTI. 55

CHRISTVS RESVRGIT A  
mortuis. Matth. 28.

PVNCTA MEDITATIONIS.

I. CONTEMPLARE quomodo ab-  
soluta redemptione humana, Ani-  
ma Christi redemptoris cum potestate ac  
maiestate in Limbum descendit, infernali-  
bus istis monstris, nimirum Dæmonibus  
terrorem incutiens, Sanctos verò Patres in  
Limbo existentes ingenti gaudio delibutos  
reddens, illosque è tenebricoso illo carcere  
liberans.

II. CONTEMPLARE quomodo  
Christus tertia die, virtute propria resurre-  
xit, sole splendidior: quo factum est vt mi-  
lites qui sepulchrum custodiebant, attoni-  
tis & exterratis similes redderentur.

III. CONSIDERA quomodo IESVS  
victor resurgens, pro eo quod se de hostibus  
suis vicisceretur, in eos noua beneficia co-  
ferre, illosque per Apostolorum prædica-  
tionem saluos facere cogitauit.

DOCUMENTA.

Fili da etiam operam, vt exemplo Christi a-  
nimabus in Purgatorio detentis, per oratio-  
nes, ieiunia & elemosinas quantum potes, subue-  
nias.

2. Qui peccato relicto ad nouam vitam resurgit, non modò pudore suffundit hostes anime sue, sed etiam alijs bono exemplo prælucet, quòd diuina maiestati acceptissimum est.

3. Fili discè à Christo inimicis benefacere, & certò tibi persuade, maiorem te coronam adepturum ex iniuriarum remissione quam ex earum ultione.

## COLLOQVIVM.

**B**enedictio & laus tibi sit Seruator mundi, qui salutifera resurrectione tua, planetum nostrum in gaudium conuertisti. Benedictus sis, qui caelesti splendore tuo, tenebras nostræ mortalitatis dissipasti. Eia anima mea, surge ab vmbra mortali, quia Sol iustitiæ exortus est, tanti splendoris & claritatis, vt se intuètes mirum in modum soletur ac lætificet. O piæ Mariæ, properate vos quidem ad sepulchrum, inuenietis enim lapidem reuolutum, sed aromata vestra nulli vobis vsui erunt, quia gloriosa Christi anima, corpori suo iterum sociata, ludque sole speciosius atque splendidius reddidit. O Angeli: o cœli: o terra: o crea-

**DE PASSIONE CHRISTI.** *Se*  
tura omnes, quæ in procellosa Passionis  
Christi tempestate maestitiam vestram al-  
teratione stupenda demonstrastis, exultate,  
& læta voce concinite, *Alleluia.* Quia Do-  
minus mortem destruxit, humanum genus  
à diaboli tyrannide vindicauit, & foeliciter  
ad obedientia portum prouectus est.  
quia omnia, quæ ipsi à Patre  
imperata fuerant,  
perfecit.

**c 7** **CHRIS**

CHRISTVS MATRI ET ALI-  
js apparet. Matt. Ioan. &c.  
Cap. vlt.

PVNCTA MEDITATIONIS.

I. **C**ONTEMPLARE, quomodo  
Christus glorioso cum corpore re-  
furgens, exemplo se contulit ad salutandā  
& letificandam mæstissimam matrem suā,  
quæ in cubiculo suo reclusa, amaram illius  
Passionem secum mente reuoluens, à la-  
chrymis nunquam se abstinebat.

II. **A**SPICE benignissimum IESVM,  
qui victoriosi Pastoris instar, post inferna-  
lem lupum deuictum atque profligatum,  
oues suas, dum ipse in luctu constitutus es-  
set, dispersas, querit & congregat.

III. **C**ONSIDERA quanta cum cha-  
ritate Christus post resurrectionem suam,  
se discipulis, alijsque sibi deuotis ostende-  
rit, ut à pectoribus eorum omnem de acer-  
bissima passione conceptam mæstitiam de-  
pelleret, & gaudio gloriose resurrectionis  
sua corda eorum impleret.

DOCUMENTA.

I. **A**spice, ut Christus matris sue rationem  
habeat: sic & tu Parentes tuos reuerere  
atque

DE PASSIONE CHRISTI. 65

atque honora, atque pro animabus eorum, si defun-  
ti sunt, preces funde: quia pro te dum viuerent,  
laborarunt.

2. Fili ne indigneris, si aliqui non satis rectè  
se gerunt erga te: Vide vt Christus discipulos suos  
à quibus in Passione sua desertus fuerat, congre-  
ger.

3. Disce à Christo consulari afflictos: id enim  
quia dilectionis affectus, & misericordie opus est,  
DEVS non aliter quam sibi factum, suscipit.

COLLOQVIUM.

O Piissime Saluator, condecens erat vt  
nos te visitaremus, teque pro tantis  
supplicijs & cruciatib<sup>9</sup> nostri causa tolera-  
tis remuneraremus, sed amotius tam in-  
gens est, vt nouis donis & visitationibus  
nos præuenias. O Virgo & mater, iure tibi  
huius gaudij primitiæ debentur, quia  
primus & maximus passionis CHRIS-  
TI dolor ad te pertinuit. Gaude & læta-  
re quia non te amplius mulierem sed ma-  
trem carissimam appellat: non exhibet tibi  
discipulum sed semetipsum: non in cruce  
sanguine tabidum, cruentatum, & inter la-  
trones pendentem, sed immensa gloria re-  
splendentē, & Angelorum atq; Sanctorum  
Pa-

Patrum è lyombo liberatorum caterua circumdatum. O Sancti discipuli deinceps nolite fugere, neque timere quod magistrum vestrum in manibus hostium dimiseritis, amor enim quo vos complectitur tam ingens est, ut huius vestrae iniuriæ oblitus, vos sine vlla improperatione, amantissimè amplexaturus & consolaturus sit. Quandoquidem ergo Domine tam promptus es ad consolandos amicos & in gratiam suscipiendos inimicos, fac, ut ego per alteram harum viarum, fructum suum sanctissimæ resurrectionis tuæ, particeps efficiar.

at.

CHRISTE

I  
C  
I  
ele  
bene  
um  
amo  
eis  
II.  
inter  
erep  
le spl  
vuln  
con  
ac pr  
III  
Is s  
enim  
Chri  
excep  
eis, ta  
thron

DE PASSIONE CHRISTI. 63  
CHRISTVS ASCENDIT IN  
cælum. Matt. Cap vlt.

PVNCTA MEDITATIONIS.

I. **C**ONTEMPLARE quomodo Christi  
Iesus expleta Patris obedientia, & Ec-  
clesia sua nouella sufficienter instructa,  
benedixit ei in Monte oliueti, vbi cum e-  
um omnes adorassent, & cum lachrymis  
amoris amplexati fuissent, facultate in ab-  
eis in cælum abeundi accepit.

II. **C**ONSIDERA, quomodo IESVS  
inter Angelorum & SS. Patrum è lympo  
ereptorum turmas in cælum ascendens, so-  
le splendidior apparuerit, & sacra ipsius  
vulnera (quæ ad iram Patris aduersum nos  
concitati mitigandam retinuit,) non aliter  
ac preciosissimæ gemmæ refulserint.

III. **A**SPICE gaudium quod in cælis  
IESVS redeunte celebratum fuit: Reseratis  
enim cælis omnes beati Spiritus obuiam  
Christo effusi sunt, illumque venerabundi  
exceperunt, & suauiter cum melodia & canti-  
eis, tanquam gloriosum triumphatorem ad  
thronum gloriæ perduxerunt.

DOCY.

1. **S**I Christus nō ascendit in caelum nisi confessa  
prius obedientia Patris, quomodo tu illuc a-  
scendes, si diuinis mandatis non obtemperes?

2. **V**ulnera Christi, iram DEI, peccatis tui  
offensi placabunt, si à peccando te abstineas: sed in  
ijsdem perseverando, ingratitude tuam vehe-  
mentius arguent, duriorisq; castigationis tibi cau-  
sa erunt.

3. **F**ili si desideras caelos triumphans ingre-  
di, necessarium est, quod vincas te metipsum, inor-  
dinatas appetitiones tuas edomando ac mortifi-  
cando.

## COLLOQVIVM.

**O** Clementissime Domine, quamuis si-  
las quadraginta horas, quibus in se-  
pulchro morā fecisti, satis liberaliter, qua-  
draginta diebus quibus cum grege tuo cō-  
uersatus es, compensaueris, nihilominus  
fieri non potest, quin magnum de tuo dis-  
cessu dolorem concipiat, fieri non potest,  
quin lachrymetur & suspiret, quod te tali  
Patre, cuius verba erant verba vitae aeternae,  
eius presentia Paradisi loco erat, priuerit.  
**O** Anima mea quid agere statuis: cum di-  
scipulis abitum dilecti IESU deplorare, an  
cum

DE PASSIONE CHRISTI. 67

cum cęlestibus ciuibus, qui incredibili cum  
gaudio, victoriosum Redemptorem nostrū  
in cęlos suscipiunt, lætari & exultare? Heu  
Domine, manere in terra sine te intolerabi-  
le mihi est, & tecum abire mihi non conce-  
ditur. Plangam igitur quod in hac valle la-  
chrymarum remaneam, & lætabor, quod  
recedas triumphaturus in cęlis. Pater eter-  
ne, ecce dilectus filius tuus, qui manifestan-  
do nomen tuum hominibus, glorificauit te  
supra terram, omnibus quę ipsi faciendę  
Imperatęras confectis, ad te cum inimico-  
rum tuorum victoria & spolijs reuertitur.  
O dulcis Iesus, quando quidem hæc est di-  
es triumphi, & donorum distribuendorum,  
hoc mihi singularis gratię loco impertire,  
vt cor meum tecū seras, vt ego in hoc exilio  
peregrinans, aliud nihil cogitem, nihil  
cupiam, nihil desiderem, quam te

DE V M liberatorem meum,

bonum meum, & salu-

tem meam. A.

mcn.

LITA

# LITANIAE

## PASSIONIS DOMINI

nostri IESV Christi.

**K**yrie eleison.  
Christe eleison.

Kyrie eleison.

IESV rex mitis Hierusalem ingressus.  
miserere nobis.

IESV ad discipulorum pedes inclinatus.  
miserere nobis.

IESV in cibum nobis datus. miser. nobis.

IESV sudore sanguineo in oratione per-  
fusus. mis. nobis.

IESV osculo à Iuda traditus. mis. nobis.

IESV à ministris ligatus. mis. nobis.

IESV à discipulis derelictus. mis. nobis.

IESV Annæ & Caiphæ presentatus.  
mis. nobis.

IESV alapa à ministro percussus.  
mis. nobis.

IESV à falsis testibus accusatus. mis. nobis.

IESV colaphis cæsus. mis. nobis.

IESV vinctus Pilato traditus. mis. nobis.

IESV ab Herode & eius exercitu spreus  
& illusus. mis. nobis.

IESV Barrabæ posthabitus. mis. nobis.

IESV flagellis cæsus. mis. nobis.

DE PASSIONE CHRISTI. 60

IESV spinis coronatus. mis. nobis.

IESV à ludæis ad crucem postulatus.  
mis. nobis.

IESV morte turpissima condemnatus.  
mis. nobis.

IESV tanquam ovis ad occisionem ductus.  
mis. nobis.

IESV clavis in cruce confixus. mis. nobis.

IESV cum iniquis reputatus. mis. nobis.

IESV à ludæis derisus. mis. nobis.

IESV felle & aceto in siti potatus. misere.  
nobis.

IESV vsque ad mortem crucis obediens  
factus. mis. nob.

IESV lancea transfixus. mis. nobis.

IESV de cruce depositus. mis. nobis.

IESV ab inferis victor reuersus. mis. nobis.

IESV in calum eleuatus. mis. nobis.

IESV in Patris dextera collocatus. miser.  
nobis.

Agnus DEI qui tollis peccata mundi.

parce nobis IESV.

Agnus DEI qui tollis peccata mundi.

Exaudi nos IESV.

Agnus DEI qui tollis peccata mundi.

miserere nobis IESV.

Kyrie eleison.

Christe eleison.

Kyrie eleison.

70 LIT. DE PASSIONE CHRISTI.

Pater noster.

Et ne nos inducas in tentationem.

*Resp.* Sed libera nos à malo.

*Psal.* 112. Laudate pueri Dominum &c.

*Vers.* Domine exaudi orationem meam.

*Resp.* & clamor meus ad te veniat.

OREMVS.

**P**Ræsta quæsumus omnipotens DEVS,  
vt qui pro nostris excessibus incessanter  
affligimur, per vnigeniti tui passionem li-  
beremur. Qui tecum viuit & regnat &c.

*Vers.* Exaudiat nos IESVS.

*Resp.* Et custodiat nos semper.

Amen.

FINIS.